



PREZIDÉNSIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

Komunikadu Imprensa

Sorumutuk Estrordinária Konsellu Ministrus nian iha loron 9 fulan-outubru tinan 2020

Konsellu Ministru hala'o sorumutuk iha Palásiu Governu, iha Dili no aprova ona projetu Dekretu Lei ne'ebé apresenta husi Vise Primeiru Ministru no Ministru Planu no Ordenamentu, José Maria dos Reis, ne'ebé mak estbelese Estatutu Foun Ajénsia Dezenvolvimentu Nasionál (ADN) nian. Ho estatutu foun ne'e hakarak atualiza no revitaliza ADN, hodi mantein objetivu hanesan no misaun hanesan, maibé hodi reestruturá ADN, ho adaptasaun ba ninia estrutura interna hodi hatán ba dezafiu sira ne'ebé koloka ho dí'ak no efikaz liu. Nune'e prosede transformasaun ADN ba institutu públiku, ho personalidade Jurídika, no klarifikasaun ba ninia atribuisaun sira hodi rezolve kestaun sobrepozisaun funsaun sira no hodi aumenta ninia atribuisaun, ne'ebé temi iha estudo no dezenvolvimentu no kapasitasaun profesionál ba tékniku sira iha setór iha área enjeñaria, arkitetura no projetu sira nian. Klarifika mós redasaun refere ba kargu sira diresaun no revista iha estrutura ba ninia servisu sira.

Aprova mós projetu Deliberaun, ne'ebé apresenta husi Ministru Obras Públikas, Salvador Soares dos Reis Pires, refere ba prosedimentu aprovizionamentu nian hodi altera kontratu ba obra rehabilitasaun estrada Dili-Manatutu, hodi estende prazu entrega to'o loron 24 fulan-fevereiru tinan 2021, sem aumentu ba kustu kontratuál.

Ministru Justisa, Manuel Cárceres da Costa, apresenta opsaun polítiku-Lejislativa subjasente ba iniciativa lejislativa kona-ba ezelesaun, esplorasun no asesu ba informasaun kadastrál, kona-ba rejime prediál, kona-ba fundu finanseiru imobiliáriu no kona-ba rejime jurídiku ba zona protesun komunitária no ba beins imovel komunitáriu sira. Pakote lejislativa ne'e respeitante ba Lei Terra nian, hakarak rezolve difikuldade sira iha ninia aplikasaun no lakuna normativa sira ba direitu propriedade. Hakarak mós favorese ba komérsiu jurídiku imobiliáriu no dezenvolvimentu ekonómiku no mós fó siguransa ba sidadaun sira kona-ba protesun ninia direitu kona-ba imovel sira. **REMATA**



Palácio do Governo,
Avenida Presidente Nicolau Lobato,
Dili, Timor-Leste